



Qiqaiyalirvia 22, 2019

Nanngariyauyuq. Jeannie
Ehaloak, Minista
Munaqhiyuq hapkuninga
Qulliq Alruyaqtuqtunik
Ikumadjutiit Maligaliqivingmi
Nunavunmi
Qiuqutaa 2410,
Iqaluit, NU X0A 0H0

Halu Minista Ehaloak,

TALVUUNA: Angiyuq havaaghamun Laisikkut Uuktuut Pittiangnikkut Nutaaq Qamanittuami Atanguyaqarvikhaq Igluqpak, Uniudjut 2019-02.

Talvuunga titiraqhimajukkut ubluqaqtuq Ubluqtuhivia 8, 2019, una Qulliq Alrujaqtuqtunik Ikumajjutiit (QEC) uuktuqpaktut munaqhiyumin Ministamun angirutikhamik uumunga angiyumi akituyumi havaktauyukhamik laisighamik uumunga nutaamun atanguyaqarvikhaq igluqpak Qamanittuami. Talvuunga titiraqhimajukkut aadjikkutamik ubluqaqtuq, munariyalik Minista tukhiqtuq uqaujjiutikhanik ukunannga Igluin Aulajjutitigun Akitutilaanginnut Katimajiinnin Nunavunmi mighaagut QEC-kut Uukturutaanun.

Kiujutigiplugu Uukturuti uumanilu Ministaup tukhirutaanun, takulugu ilaliutihimajuq una Aulajjutitigun Akitutilaanginnut Katimajiinnin 2019-02 Angiyuni Havaktaujukhani Laisighamik Uukturutimik mighaagut Qamanittuami Ataniqarvikhaq igluqpak.

Pittiarnikkut,

A handwritten signature in blue ink, appearing to read "Anthony Rose".

Anthony Rose
Ikhivautalik Igluin Aulatjutitigun Akitutilaanginnut Katimayiit Nunavunmi

Aadjiliuqhimayuq: Hivuliqt Joe Savikataaq, Minista munaqhiyuq
hapkuninga URRCkunik

Kathy Okpik, Tukliq Minista Kavamaliqujikkunni
Bruno Pereira, Atanngujaq Qulliq Alrujaqtuqtunik Ikumajjutiitn
Laurie-Anne White, Aulapkajilluaq URRC



**Uniudjuiluni haffumunga Munaqhiyumin Ministamun hapkununga Qulliq
Alruyaqtuqtunik Ikumadjutit haffumunga:**

**Una Angijumi Akitujumi Havaktaujukhami Laisighamik Uuktuutikhamik
Mighaagut Nappaqtirnikkut Nutaamik Atanguyaqarvihaq Igluqpak
Qamanittuami**

Uniudjut 2019-02

Qiqaiyalirvia 22, 2019

IGLUIN AULADJUTITIGUN AKITUTILAANGINNUT KATIMAJIIT NUNAVUNMI

KATIMAJI
IT

Anthony Rose	Ikhivautalik
Graham Lock	Ikhivautaliup Tuglia
Robbin Sinclair	Katimayiuyuq
Nadia Ciccone	Katimayiuyuq

IKAYUUT
IKHAT

Laurie-Anne White	Aulapkaiyi
Wade Vienneau	Qauyihaqtí

TITIRAQHIMAYUT NAITUMIKAQ TITIRAQHIMAYUNIK

GRA-kut	Naunaitut Akiliktuutikhag Uuktuutikhaq
GN	Kavamatkut Nunavunmi
wKh	Kilowatt Ikaarniq
QEC-kut	Qulliq Alruyaqtuqtunik Ikumadjutiit
URRC	Igluin Auladjutitigun Akitutilaanginnut Katimajiit

NAUNAITKUTIT ILUANIITTUNIK

Iluaniittut

1.0	Hivuniqyijutit	5
2.0	Naunaijautit Uukturutimi	7
3.0	Havauhiq	9
3.1	Angijuq Mikijuqluunniit Uukturuti	9
3.2	Inuit Uqaqatiginingangut Pigiarutit	9
4.0	Ihvriuqniq Uukturutimi	10
4.1	Ihariagiayayut Havaktauyukhamun	10
4.2	Ahiagut Piyakhat Piyaangini Ihariagiayayut	11
5.0	URRC Pitquhimajait	15

1.0 KANGIQHIDJUTAIT

1. Qulliq Alruyaqtuqtunik Ikumadjutit (QEC), tikuaqtauhimayut auladjutiliqiyut, piyakhat maliklugu Titiraqhimagumi
 - 18.1 haffuman Qulliq Alruyaqtuqtunik Ikumadjutiit Maligaani (QEC Maliga), qiniqhiayut angigutinik haffumanga Munaqhiyumin Ministamun hivuani havaktautinagu akituyuq havaaghaq. Haffumunga pidjutauyuq, Titiraqhimagyuq
 - 18.1 haffuman QECKut Maligaani tunihiyuq hapkuninga:

Naunaiyautinik

(1) Uvani titiraqhimagumi, "akituyut havaaghat naunaiyautaa akituyut havaktauyukhat tapkua attautimun akiit avatqumayut \$5,000,000.

Angijuq akitujuq havaktaujuqhaq

(2) Kuapuriisitkut havaliqtughaungittut, naliinniklu havavikmiknik havaliqtipkaqttaghaungittait, angijumik akitujumik havaktaujughamik kihiani uuktuqhimagumi hivuagut Ministamun pitquidjutimik angirutimik havaktaujughamun.

Minista pittaqaqtuq uqaudjiutinik

(3) Kiutinnani uuktutimun piliuqhimajuq ataani iluani-ilangani (2), Minista pittaqaqtuq uqaudjiutinik ukunanga Igluin Auladjutitigun Akitutilaanginnut Katimajiinnit piliuqtauhimajuq ataani *Igluin Auladjutitigun Akitutilaanginnut Katimajiinnit Maligaqmi*.

Kuapuriisitkut tunijughat ilitturipkaidjutinik

(4) Kuapuriisitkut tuniniaqtaat Minista unalu Igluin Aulatjutitigun Akitutilaanginnut Katimayiit ukuninga ilitturipkaitjutighanik pihimayaghait Minista ihumaliuriangat taimaatut tuniyauttaaghaariangat angirutimik.

Hulijaaqtuq Minista

(5) Minista imailiuqtaaqtuq

(a) tuniluni angirutimik havaknikkut angiyuq akituyuq havaktauyughamik, piqaqluni piqangilluniluunniit qanuriliutquyautjutini; imaaluuunniit
 (b) qingiluni.

Pitquidjuti

(6) Angiruti tunijaujuq Ministamin ataani titiraqhimaguni (5)(a) pihmajughaujuq taimaatut pitquidjutiuluni.

2. Ilanga 7e) uvani URRC Maligaqmi uqarhimayuq, aallanilu, pidjutaa Akitutilaanginnut Katimajiit uqaudjiutilugu Minista munarijuq uumunga Qulliq Alrujaqtuqtunik Ikumadjutiit mighaagut uukturutini angirutikanun ukunani angijuni akitujuni havaktaujukhani ataani 18.1 uvani *Qulliq Alrujaqtuqtunik Ikumadjutiit Maligaqmi*.

3. Talvuunga titiraqhimagukkut ubluqaqtuq Ubluqtuhivia 8, 2019, (QEC) uuktuqpaktut munaqhiyumin Ministamun angirutikhamik uumunga angiyumi akituyumi havaktauyukhamik laisighamik uumunga nutaamun atanguyaqarvikhaq igluqpak Qamanittuami. Talvanilu ublumi, munarijuq Minista tukhiqtuq uqaudjiutikhanik URRC-kunnin mighaagut QEC-kut Uukturutaanun. URRC-kut ihumaginia uumuuna iluanittuq uumani Unniudjutimi.

2.0 NAUNAIJAUTIT UUKTURUTIMI

4. QECtkut tukhiqtut havaklutik nutaamik atanguyaqarvikhamik igluqpangmik nunaani Qamanittuap himauhiqlugu akiliqataqtauyuq nayugaa, itqungniarutaa akia \$13.0 milliataala. Qamanittuaq hitamauyuq anginiqhaq nunallaaq Nunavunmi nayugaa qitivyaani QECtkut kivgaqtungnikkut aviktuqhimayumi. QECtkut nanminikkut hulidjutait kivgaqtuqtauyut ataniqarvingmi Qamanittuami uvalu kuapaliisit havagvia Iqalungniituq.
5. QECtkut uqaqtut tamna nutaaq havagvikhaq tunihiniaqtuq ihuaqtumik nayugahaa pidjutikhaat tamaita Qamanittuami titiqiqinikkut havaktut attauhirmi nayugaani uvalu uqautigilugit qanikliuq taimaaqvikhaa akiliqtuqtauyuq attauhip havagiup. Tadja, 41 havaktit havaktut pingahuni havagvingni nunallaami Qamanittuap.
6. QECtkut nanminiqangitut havagvingnik igluqpangnik Qamanittuami, uvalu tadja akiliqtuiyut atuqtamingnik pingahunik havagvingnik pidjutigiblугit ihariagiyatik. Akiliqtuqtauyuq nayugaa inighaqangituq upalungaiqhimayunun havaktukhanun, uvalu aulahimaangnira akiliqtungniq igluqpangnik qayangnaqtuq pilimaingnikkut hivungani. Qectkut uqautigiyaat nungnuniani akiliqtuqtauyuq, uvani Niqiliqivik 31, 2020mi, Kavamatkut Nunavunmi piumayaat havagvik inmikkut ihariagiyamikkut Qamanittuani. Una QECtkut inihairutiginiaqtaat napaanik havagiup nayugaanik ihariagiyauyuq Qamanittuami. Ilangalu, QECtkut uqaqtut tadja havagviit qanuriniit ihuangitut, ihuaqhangnikkut havakviit avatingnit.
7. QECtkut tunihiyut naunaiyautinik mikhaagun hitamanik piyakhanik ihumagiyamingnik ihuaqhaidjutikhat, pidjutikhaa havaaghap laisikhaanun uuktuutit. Ihumaliurutaungituq 'hulidjutaungituq' ihuaqtuq piyakhamun. Hitamat piyakhat naittumik titiraqhimayut ataani:
 - (a) Piyakhaq 1 – Piyariiqlugut Hivunikhami atulaktakhat aalanik Igluuqpangnik Qamanittuami
 - (b) Piyakhaq 2 - Niuviqlugu Iglu hiniktaqviuyuq nutaaguqtiquugu titiraqvikhaluriaqlugu inikhamik
 - (c) Piyakhaq 3 - Hanalutik nutaamik ataniqbarvikhamik igluqpangmik
 - (d) Piyakhaq 4 – Akiliqtuilutik nutaamik igluqpangmik havaktauhimayumik

8. QEC ihumaliurutigyaat piyakhaq 3, havaklutik nutaamik igluqpangmik havagvikhamik, piumayauluaqtuq uvalu akikitqiyauniaqtuq QECtkunun piyaangini ihariagiyatik Qamanittuami.

9. QECtkut uqaqtut upalungaiyangniq nutaamik atanguyaqarvikhamik aularutiniaqtuq uvani Qitiqqautiyuq 2019, tuuktuutikhaa idjuhikhaanun iniqtauniaqtuq uvani Apitilirvia 2019, uvalu uuktuutikhat havaktaunikhaanun iniqtauluni uvani Ubluqtuhivia 2020. Igluqpiyut aularutiniaqtut uvani Iidjiruria 2020 uvalu iqluqpak niriuktauyuq iniqtauluni uvani Iidjiruria 2021.

3.0 HAVAUHIQ

3.1 ANGIYUQ UVALUUNIIN MIKIYUQLUUNIIN UUKTUUT

10. Ataani URRC Malgaqmi, hivulliuqtaujuq talvani avaliittumik ihumaliurutaani URRC-kunnin, URRC-kut ihumaliurniaqtun naliangnik Uuturuti Mikijaakhaanik Angijaakhaanikluunniit pidjutinganun ihumaliurnirmjun ublukhainnun pijakhanik havagutinikkut Uukturutimi; mikijuq Uukturuti tunihimajuq ublukkut kiklikhamik 90-nik ublunik ukununga URRC-kut unniutijaami munarijumut Ministamun taimaattauq angijuq uukturuti tunihimajuq ublukkut kiklikhammik imaatun 150-nik ublunik. Ihumagiplugu anginiani maniliqtuutikkut tukhiqtauhimajuni uvani havaktaujukhami laisikhami uukturutimi, ihumagiplugillu ihariaginia imaakiaq malruiqtuqluni miiturutikhani ilitturipkainikkut tukhiqtaujuni kiudjutinilu, URRC-kut ihumaliuqtut pinikkut Uukturutimi imaatun Angijuq Uukturuti.

3.2 INUNGNUN KATIMAPKAINIKKUT HAVUHIIIT

11. Atuqtilugu umikvikhaanun titiraqhimayunun uqautauyunun, ukua URRCtkut tuhaqtitiyt Uuktuutinun tuhaqtitivikkut, hapkunuun akavamatkut kivgaqtungnikkut havaktiit (GLOs) attautini nunallaani, uvalu titiraqhimayutigut attautinun Iluayunun Maligaliuvungmi Nunavunmi (MLA), mayat uvalu haamlat atanguyainunlu (SAO) tamaini Nunavunmi.
12. Ukua URRCtkut tunihiyut piyakhanik inungnun titiraqhimayunik uqaghainik pidjutauyumin angiyut havaktauyukhat laisikkut uuktuutikkut umikvikhaa uvani Iidjiruria 1, 2019. Titiraqhimayuqangituq uvaluuniin uqautauyunik inungnin uvaluuniin aalanin pidjutiqaqtunik Uuktuutinun.
13. QECtkut kiuyut kangiqhinikkut apiqhuitinik hapkunanga URRCkunin uvani Iidjiruria 8, 2019.

4.0 IHIVRIURUTAIT UUKTUUTIT

4.1 IHARIAGIYAUYUT HAVAKTAUYUKHAMUN

14. Ukua URRCtkut tuhaqtitiyut uqaqtauhimayut uqautigiyakhaat qanuginikhait inikhailiungnirit havakviit Qamanittuami pidjutigiblugin Kavamatkut Nunavunmi piyakhait piffaaqlugit hapkua GNkut igluqpait nunguniagut akiliqtuinikkut kiklikhaa (Niqiliqivik 31, 2020). Ukua URRCtkut hivumut ilituripkaiblutik uqaqtauyunun ihuiguuhutinik pingahunun akiliqtuqtuyunun nayugaini, piinariaqaraluaqtilugit. QECtkut tuyuqtait tapkua attautimukhimayut 9,708 square feet aktilaanga tadja akiliqtuqtaat atungnikkut:
 - a. ihuangituq qaffiuniinun havaktut Qamanittuami
 - b. piqangituq katimavikhamik uvaluuniin iliharvikhamik
 - c. ihuaqtumik piqangituq, ihuangnikullu havagviup avatingit.
15. Ukua URRCtkut ilituripkaiyut aulahimaqtumik piyaangnia GNkut iqluqpaat hivuani pidjutauyuq ihariahungnirmun ahaigut havavikhamik. Taimali URRCtkut ilihimangitut humut GNkut ihumadjutait GNkut igluqpainun, naunaituq tamna piyakhaq tunilugit attauhirmik ukiumik kiklikhaanik hamunga Niqiliqivik 2020, pidjutiginiaqtaat hapkua GNkut uvalu ihumaliurutigingitaat QECtkut. Una qayangnautauyuq naunaiyaqhimayaat QECtkut, uqautauyukhaq qilamivyak pilugu. Ukua URRCtkut ilituripkaiyut uqaqtauyunun ihuiniinun tadjamin atungnikkut akiliqtuqtauyuq nayugaat. Attautit ihuanginirit pihimayut hivuliulugit nakuunikkut.
16. Ukua URRCtkut ihivriuqtait QECtkut uqaqhimayait ihariahungniit kangiqhidjutikkut uvalu aalat ihivriurutit.
 - a. QECtkut uqaqtut tadja 9,708 square feet aktilaanga havagviup fuati saivanun havagaanginaqtut angiqtauyut Qamanittuamun. QECtkut hivumun uqangmiut tapkua qaffiuniit havagaanginaqtut havaani Qamanittuami fiptiuyut. Ukua URRCtkut apiriyaat QECtkut nuutiqtariakhaita ilangit havaktut uvaluuniin nayugait. QECtkut ilituripkaiyut GNkut aviktungnianun pitquayayut piyariaqtaut taati uan havaat nuutiqtaulutik Qamanittuami, uvalu tunihilutik titiraqhimayunik havaanginik. QECtkut ilituripkaiyut tapkua nuutiqtaaqqtut ilangit atuqtauyut

Qamanittuami havaktut, kihimi nuutiriluarumangitut. QECtkut uqaqtut tapkua inikhaqaluangitut nayugait Iqalungni havagviani nayugahainik tadja havaktit, uvalu inikhaqangitutiklu ilaliutiyukhat havaktut nuutiqtauyut Qamanittuamin. Ukua URRCtkut nammagiyaat kikliqangniq nuutiriangini Qamanittuami havaktit aalanun nayugahainun, uvalu taimailiurumik ihuaqhiyuumidjutilimaitut havagvingmun uvaluuniin QECtkut ihumagiyatik attautimiilutik. Ukua URRCtkutnammagiya pihimablugit titiraqhimayut havaat naunaitumik ihuaqhiyuumirutiniaqtut havagvikhamun havaqatigiiklutik tamaita attauhirmi igluqpangmi havakumik.

- b. Ukua URRCtkut ilituripkaiyut tadja nayugaat katimaviqangituq uvaluuniin iliharvikhamik. QECtkut tunihingitut naunaiyautinik mikhaagun qanuginikhavit uvaluuniin nayugahamingnik ihariagiyatik piyaangini. Naunaiqhimangituq ukununga URRCkunun qanuq akitutilaanga uvaluuniin ihunginirit QECtkunun humi GNkut katimaviit atungnikhai. Qanuriniitigut ihariaguhungniitigut, ihuatqiyauniaqtuq aulahimaaqtumik atuqlugu GNkut katimavia pihimangilugu angiyumik katimavikhamik nutaami igluqpangmi. Ukua URRCtkut ihumagiyat piyaangnirmun katimavikhamik uvalu iliharvikhamik piyauyukhaq ihuaqtumik akiitigut/ikayuutikhamunlu.
- c. Ukua URRCtkut ilituripkaiyut fuatynguyut Qamanittuami havaktut tadja pingahuni igluqpangni havakvilgit, kihimi naunaiyaqtauhimangituq qaffit havagvikhat uvaluuniin havagviit pinnarialgit. Humaangittuq, URRCtkut ihuaqriyat nayugahaq ihualimaituq igluqpak akiliqtaugumi GNkunin pilimaitpat. Naunaiyaqhimangituq hapkunun ga URRCtkunun aktilaanga inikhaa QECtkut ihariagiyat fuati sainanun, uvaluuniin fitynun havaktunun, uvaluuniin atuqtaungitut havagviit, katimaviit, iliharviit uvalu kaapituruviit. Ukua URRCtkut naunaiyaqhimangitugit qaffit havaaghat ihuaqtut havaqatiriingnikkut uvaluuniin piyariiqhimayumik havagvikhamik.

17. Taimaitkaluaqtilugu qulaaniitut, URRCtkut ihumagiyat tapkua QECtkut ihariagiyaqtaut/ilaiutiyukhamik inikhamingnik uvani 2020 hamunga 2021 mun kikliit naunaiyaqtauyut. Hivuani ihariagiyauyuq 5,134 square feet aktilaanga nayugaha piinalimaituq nungutpat Niqiliqivik 31, 2020. Ihariagiyauyuyt aalanguqataqtut uvalu pidjutauliqhutik naitumik kikliqangnirit GNkun, URRCtkut ihumariyait tapkua piyakhat ihivriuttaqtauyukhat hivitutqiamik kiklikhainik ihuaqhailutik ihumamingni ilauyut ihuaqhiyumiqlugit atuguminangniit uvalu ihuaqhaqtaunirit havaktughat uvalu

akikhiyuumirahuaqlugit aulanianun akiit.

4.2 AHIAQUT PIYAKHANIK PIDJUTAUYAANGINI IHARIAGIYAIYUT

18. QEC-kut ilituriyut ihariagiyauniganik hivunikhami pigiarutinik atuqaaqniginik aginiqhamiklu ikayuutauniganik akituyunik akiligakhanik aaniqnaitumik nakuuyumiklu havakviqariagani havaktigiyait. URRCtkut angirutigyaat ihuangnikkut ihumaliuttiarutigilugit upautiniit.
19. URRCtkut angirutiyut tapkua GNkut piumakpagu hamna 5,134 square feet aktilaanga QECtkut tadja atuqtaat, hilihimaitumik ihuangituq piyakhaq. URRCtkut ihivriuqtait naunaiyaqhugit attautit hitamat piyakhat QECtkut ilaliutiyaat uuktuutini uvalu nattumik uqaqtauhimayut attautinun:
 - a. Piyakhaq 1 – Piyariqlugut Hivunikhami atulaktakhat aalanik Igluuqpangnik Qamanittuami. URRCtkut ilituripkaiyut una ayungnaitqiyauniaqtuq piyakhaq atugiangani, kihimi angirutigiblugu angiyunik igluqpaqangituq piinarialingnik, atungnirit qaffit mikiyut igluqpat ayuqhautauniaqtut havaktunun uvalu ihuangilutiklu. URRCtkut angirutigyaat una piyakhaq ihuangituq.
 - b. Piyakhaq 2 - Niuviqlugu Iglu hiniktaqviyuq nutaaguqtiquugu titiraqvikhaliuriaqlugu inikhamik. URRCtkut ilituqhajutaa haffumunga piyakhamun inikhaqangniaqtuugaluit QECtkut havaktiinun, kihimi angirutigyaat pidjutitigiblugu utuquavalaaq igluqpak, tadja hiniktarviyuq, hunat atuqtauyut iluani hilataanilu tamaat unguvaqtiqtauyariaqaqtuq, himmauhiqlugit uvalu ihuaqhaqlugit. URRCtkut angirutigyaat una piyakhaq ihuangituq.
 - c. Piyaqhaq 3 – Igluqpilutik nutaamik havagvikhamik. URRCtkut ilituhaiyut una piyakhaq ilauyt malruk nayugahak, igluqpakhamik naamavyaktuq 13,000 square feet aktilaanga QECtkut hivuliqpaami maniktigut akia \$13.0 milliataala. QECtkut tuyuqtut titirangmik haamlatkunin Qamanittuami ikayuutikhaq nayugahannun haniani GNkut havagvaini tapkua QECtkut tadja atuqtaani (kiudjutaat haffumunga URRC-QEC-3 b). URRCtkut ilituripkaiyut tapkua ukiungitigut akiit haffumunga piyakhamun itqungniarutaa \$1.030 milliataala, aadjiliurutigiblugu tadjamin atungnikkut akiliqtuqtauyuq imaa \$0.555 milliataala.. URRCtkut angirutigyaat una piyakhaq ihuaqtuq.
 - d. Piyakhaq 4 – Akiliqtuilutik nutaamik igluqpangmik havaktauhimayumik

pingahuuyumi havaktughamik. URRCtkut ilituripakiyut tapkua QECtkut ihivriuqhiyullu napaqtirutikhaa uvalu akiliqtuqlugu igluqpak naamavuyaktuq 13,000 square feet aktilaanga. Ukiungitigut akiit haffuma piyakhap itqungniarutaa imaa \$1.240 milliataala. URRCtkut ilituqhajiyut akiliqtuqtauyut pihimayut tadjamin GNkut atungnikkut akiit. URRCtkut angirutigyaat una itqungniarut akikitpalaaq; taimaalu tamna nutaaq havaktaunia igluqpaup akitutqiyauniaqtuq tadjamin GNkut igluqpaanin. URRCtkut angirutigyaat una piyakhaq ihuaqtuq.

20. URRCtkut ilituqhajiyut tapkua QECtkut tunihingitut naunaiyaqhimayunik mikhaanun igluqpinikkut, uvaluuniin, igluqpinikkut uvalu atungikkut mikitqiamik igluqpangmik (himmautigiinaqlugu 5,134 square feet aktilaanga tamna piinagiaqangituq). URRCtkut ihumagiyaat tamna mikitqiaq igluqpak akikitqiyauniaqtuq piyakhaq, kihimi tunihingituq ihuaqtumik ikayuutinik attauhingmik nayugaanik.
21. URRCtkut ilituqhajiyut tapkua QECtkut piumaluaqtaat havaklutik uvalu nanminirilugu nutaaq havagvik inikhqaqtuq tamainun havaktunnun nayugaani Qamanittuap. Ilangnit URRCtkut ihumagiyaat hapkua:
 - a. Ukiungitigut akiit Piyakhamun 4 imaavyak \$0.210 milliataala (naamavyaktuq tuati pusanmik) akitutqiaq Piyakhamun 3. Kihimi, URRCtkutilituqhajiyut aalakiigrutaa ukiungitigut akituyut ihuaqhiyuumiut akiit imaa \$0.164 milliataala ilauyuq uvani Piyakhami 4, kihimi uvaniingituq Piyakhami 3. Kiudjutigiblugin ukununga URRCtkut-QECtkut 3(d), QECtkut uqaqtut piqangituq upalungaiyaqhimayunik akituyunik ihuaqhaidjutikhanik nutaamun igluqpangmun. URRCtkut niriuktut una pidjutauniaqtuq nutaamun igluqpiningmun uvani Piyakhami 4mi, kitut akikhiyuumirutiniaqtut aalakiirutaa qitqani malguk piyakhak.
 - b. Itqungniarutait akitutilaangit aviktuqhimayut akituqyuumidjutaa naamavyaktuq 0.35 ¢/kWh, ihivriuqtauyukhaq uvalu uuktuqtauluni qaiyumi QEC GRAlu. Hulaqidjutaa akiliqtuiyunun akikiutuq kihimi huvalaangituq. Itqungniarutaa ihuavyaktuq uvalu akianun hulaqutaa ihuavyaktuq naunaiyaqhimangitit ikayuutit piyaukpata.
 - c. Akituqyuumidjutiuq aulapkainiq ihuaqtumik uvalu aalat katimayiit ukayuutait nanminiqangnakkut uvaluuniin atungnikkut akiliqtuiniq attauhirmik havagvingmik naunaiyaqhimangituq, kihimi pidjutauyungnaqhiyuq.
 - d. Ikayuutauniaqtuq uunangnia piffaaniranun (pauwaqarvingmin) ppinalik hapkununga QECtkunun uvalu ilaliutihimayuq igluqpak avatiini, kihimi

mikhiyuumiqlutik auladjutinun uvalu/uvaluuniin maniliuqlutikluuniin naunaiyaqhimangituq.

- e. Hivuani manikhait haffumunga piyakhamun 3mun pihimayuq Naunaiyangnia D itqungniarutaa ihuaqpiaqtumik ilaliutilugu uvalu unguvaqlugu tuati faip pusat. Hivuanun, QECtkut iniqtqihimaitait tughiutitik igluqpaup napautikhaa uvaluuniin idjuhikhaalu. Una naludjutauniq aadjikiitumik hulaqutiqangniaqtuq uvani Piyakhami 3mi 4milu.
 - f. QECtkut munaridluaqtait havaktauyukhat atugahait uvalu aulatinirat nanminikhatik atanguyaqarvikhaq igluqpak.
 - g. Igluqpiniq nutaamik 13,000 square foot aktilaanga igluqpak tunihiniaqtuq QECtkunun ilaquantiaqtuq 3,300 square feet aktilaanganik pidjutigyaangini ilangit ihuigiyauyt titiraqhimayut, imatun katimavikhat/iliharvikhat, kaapituvikhqlu. URRCtkut niriugiyaat attauhiq, havattiaqhimayuq igluqpak ihuatqiyauniaqtuq pingahunin mikiyunin igluqpangnun pidjutigblugu inikhailiungniq.
 - h. Atungnikkut atugahaq tugliq igluqpak (2,920 square feet aktilaanga) piyakhaqaqtuq taimaaqtiglugu ilaliutinikkut akiligahanik.
 - i. Pingahua igluqpaup (1,654 square feet aktilaanga) ihuaqhaqtauluni havaktup igluqpakhaa akikivyaktumik ukiuni akiit.
22. URRCtkut angirutiyut piyakhaq havaklutik nutaamik 13,000 square foot aktilaanga atanguyaqarvikhaq igluqpak nakuutqiaq piyakhaq pihimablugit kangiqhidjutit uvalu ihumagiyauyt Uuktuitini. Qilamik himmauhiqtughat avatqumayuq napaa tadja havagvik, uvalu tukhiqtauyut nuutiqlugit tamaita atanguyaqarviit attauhirmun angitqiayamun igluqpangmun nakuutqiyauniaqtuq naittunik titiraqhimayutigut qulaani. Kihimi, ihumagiyauyt akiit igluqpinikkut aalangayuq angiyumik hivuani manikhaitigut uuktuutit piyaukpata, ihuatqiyauniaqtuq hapkununga QECtkunun ihumagilugu piyakhaq 4 uvaluuniin igluqpilutik mikitqiayamik igluqpangmik akitungnaitumik akiliqtuiyunun akiinun.
23. Tautukhugit tamaita qulaaniitut, URRCtkut pitquiyut, QECtkut angiqtaulutik aularutilugu havaktauyukhat apiqutauyut. URRCtkut pitquyaat tapkua QECtkut ilaulugit ihumagiyauyt hapkua, aalanin:
- Nakuuyutigut maniliqinikkut uvalu havaktakhauyutigut munaridjutiqaqtukhat

ihuaqhiyumiqlugit/mighiyumiqlugit akiit/aktilaangit tukhiqtauyut igluqpait.

- Pihimaniaqtuq niuvaayut' piumayaitigut uvalu GNkut piumayaitigut havaklugit igluqpaup aktilaaghaa uvalu idjuhikhaanik piyakhanik pihimalugit akiitigut, nunaqaqtutigut pihimangilugit.
- Tapkua QEC ihivriuqlugit piyakhat piinarialgit uuktuutit piyaukpata tautuktuumiyaarunmun ihumagilugu Piyakhaq 4, uvaluuniin mikitqiamik igluqpangmik, uuktuutit akiit aalakiikpata tamayaitigut itqungniarutiluami \$13.0 milliataala uvalu uqautilugit ukua URRCtkut ihumaliungnikkut initirutainik. URRC ihumagiyaat aalakiigutaa angitqiaq 25 pusat itqungniarutiluamif \$13.0 milliataala tamayat, taimiali itqungniarutiluanga ilaungmata ilaliutihimayut naamavyaktuq \$1.5 milliataala.

5.0 URRCTKUT PITQUHIMAJAIT

24. Ihumagipluginit uqautigijauhimajut, URRCTkut pitquiyut imaatut:

- Tapkua angiyut akituyut havaktauyukhatigut laisiit angirutikhait havaknikhaanun nutaap atanguyaqviup igluqpaghhaa Qamanittuami tuniyauluni, pidjutiqaqlugu tapkua QECKut iniqtiglugin ilaliutihimayut qauyihangnirit atugahat titiraqhimayut uvani 23 hivuani aularutitinagit igluqpiniq uvalu aalanguqtirnikkut havaktauyumun ihumagiyaayut, akiit, qanurinia ihumagiyaayut ihuaqngnikkut, tuniyaangani tughiqtauyut ihumagiyaayut uvalu akiillu Ministamun munahiyumun QECKunun.
- Qayaginirni taapkuaqpiani akiinni nappaqtinqirni havaktaujughami ihivriuqtaujughat talvani havaktaujughaq tukhiqtauningani ilaujughat uvani akitutilaanginni tunngaviani.

25. Piittuq uumanii Unniudjutimi ihuirutaulimaittuq URRC-kunnun ihumagijamingnut aallanun hunaliqaaknun pidjutikhanun QEC-kunnun.

PIDJUTIGIPLUGIT

**IGLUIN AULADJUTITIGUN AKITUTILAANGINNUT
KATIMAJIIT NUNAVUNMI**



UBLUA: Qiqaiyalirvia 22, 2019

Anthony Rose

Ikhivatalik, Igluin Auladjutitigun Akitutilaanginnut Katimayiit